



**ЎЗБЕКИСТОН РЕСПУБЛИКАСИ МАДАНИЯТ ВА ТУРИЗМ
ВАЗИРЛИГИ**

**ЎЗБЕКИСТОН РЕСПУБЛИКАСИ ЁШЛАР СИЁСАТИ
ВА СПОРТ ВАЗИРЛИГИ**

**ЎЗБЕКИСТОН РЕСПУБЛИКАСИ ЁШЛАР ИШЛАРИ
АГЕНТЛИГИ**

ҚЎШМА ҚАРОРИ

**“Беш ташаббус олимпиадаси” доирасида маданият ва санъат
йўналишидаги танлов ва фестивалларни юқори савияда
ташкил этиш ва ўтказиш
тўғрисида**

Ўзбекистон Республикаси Президенти Шавкат Мирзиёевнинг Олий Мажлис ва Ўзбекистон халқига Мурожаатномасида 2023 йилга “Инсонга эътибор ва сифатли таълим йили” деб ном бериш тўғрисидаги таклифи кўтаринки руҳда қўллаб-қувватланди.

Ўз навбатида, сифатли таълимни таъминлашда бевосита иштирок этаётган педагоглар, ўқитувчиларнинг ушбу жараёндаги самарали фаолияти ёш авлодни маданият ва санъатга, миллий чолғу санъатига қизиқишларини ошириш бу орқали уларнинг қалби ва онгида миллий ўзликни англаш, аجدодлар меросига ҳурмат туйғусида бўлишларини талаб этади.

Ўзбекистон Республикаси Президентининг 2022 йил 2 февраль “Маданият ва санъат соҳасини янада ривожлантиришга доир қўшимча чоратadbирлар тўғрисида”ги ПФ-112-сонли Қарори ҳамда **2022 - 2026 йилларга мўлжалланган Янги Ўзбекистоннинг тараққиёт стратегиясининг 71-мақсад: Эзгулик ва инсонпарварлик тамойилига асосланган «Ҳаракатлар стратегиясидан - Тараққиёт стратегияси сари»** ғоясини кенг тарғиб этиш орқали жамиятда соғлом дунёқараш ва бунёдкорликни умуммиллий ҳаракатга айлантириш, «Янги Ўзбекистон - маърифатли жамият» концепциясини амалга ошириш, Ўзбек халқининг миллий қадриятлари ва маънавий меросини асраб-авайлаш, кенг оммалаштириш ҳамда ривожлантиришни давлат томонидан қўллаб-қувватлаш, «Маҳалла - туман - вилоят - республика» принципи асосида худудлар кесимида ижтимоий-маънавий муҳитни оптималлаштириш харитасини шакллантириш, бу жараёнга замонавий ахборот-коммуникация технологияларини кенг жорий этиш ҳамда «Ёшлар - Янги Ўзбекистон бунёдкорлари» шиори остида «Янги Ўзбекистон - Учинчи Ренессанс» ғоясининг рўёбга чиқарилишини таъминлаш мақсадида, Ўзбекистон

Республикаси Маданият ва туризм вазирлиги, Ўзбекистон Республикаси ёшлар сиёсати ва спорт вазирлиги ҳамда Ўзбекистон Республикаси Ёшлар ишлари агентлиги **қарор қилади:**

1. Беш ташаббус олимпиадаси доирасида ташкил этилаётган **“Ёшлар овози” (“Бўзатов фест”) фестивалини** ўтказиш тўғрисидаги Низом 1-иловага, **“Миллий ва Замоनावий чолғу ижрочилиги” танловини** ўтказиш тўғрисидаги Низом 2-иловага, **“Ёшлар ракс” (Ракс фест) фестивали** ўтказиш тўғрисидаги Низом 3-иловага, танлов ва фестивалларни ташкил этиш бўйича ташкилий қўмита таркиби 4-иловага, танлов ва фестивалларни ўтказиш бўйича календарь режаси 5-иловага мувофиқ тасдиқлансин.

2. **Ўзбекистон Республикаси маданият ва туризм вазирлигига** бўйсунувчи ташкилот ва муассасалар билан биргаликда:

- “Ёшлар овози” (“Бўзатов фест”), “Ёшлар ракс” фестивали (Ракс фест), ва “Миллий ва замонавий чолғу ижрочилиги” танлови учун ҳакамлар ҳайъати таркибини шакллантириш, шунингдек, уларни танловнинг барча ҳамда республика босқичларига жалб этиш;

- мазкур фестиваль ва танловнинг барча ва республика босқичларини юқори савияда ташкил этишда маданият марказлари, болалар муסיқа-санъат мактаблари ва санъат йўналишидаги бошқа таълим муассасаларидан фойдаланиш бўйича зарур чора – тадбирлар белгилаш;

- танлов ва фестивалларга фахрий ижодкорлар, таниқли санъаткорлар, машхур маданият ва санъат соҳаси вакилларини таклиф этиш;

- малакали ҳакамларини жалб этган ҳолда мусобақаларнинг адолатли ўтказилишини таъминласин;

3. **Ўзбекистон Республикаси ёшлар сиёсати ва спорт вазирлиги Ўзбекистон Республикаси маданият ва туризм вазирлиги билан биргаликда:**

- тизимдаги ташкилот ва муассасалар билан биргаликда танлов ва фестиваллар ўтказиладиган жойни аниқлаш ҳамда тайёрлаш;

- масъул идоралар билан ҳамкорликда жамоат хавфсизлигини, шунингдек, навбатчи тиббий хизматни таъминлаш чораларини кўриш вазифалари топширилсин.

4. **Ёшлар ишлари агентлигига** танлов ва фестивалларнинг Қорақалпоғистон Республикаси, Тошкент шаҳар ва вилоятлар босқичи ҳамда республика босқичи ғолибларини муносиб тақдирлаш;

Танлов ва мусобақалар ўтказилиши тўғрисида оммавий ахборот воситалари ва ижтимоий тармоқлар орқали тарғибот-ташвиқот (видеоролик, реклама ва ҳ.к.) ишларини олиб бориш вазифаси топширилсин.

5. Республика Ташкилий қўмитасига танлов ва фестивалларни ўтказиш билан боғлиқ тартибларга зарур ўзгартириш ва қўшимчалар киритиш ваколати берилсин.

6. **Ўзбекистон миллий телерадиокомпаниясига** Беш ташаббус олимпиадаси доирасида ташкил этилаётган “Ёшлар овози” танлови, “Миллий ва Замоनावий чолғу ижрочилиги” танлови ҳамда “Ёшлар ракс”

фестивалларининг барча босқичларини маҳаллий ва марказий телевидения орқали кенг ёритилишини ташкил этиш тавсия этилсин.

7. Мазкур қарор ижросини таъминлаш Ўзбекистон Республикаси маданият ва туризм вазири ўринбосари Б.Ахмедов, Ўзбекистон Республикаси Ёшлар сиёсати ва спорт вазирининг биринчи ўринбосари А.Саъдуллаев, Ёшлар ишлари агентлиги директорининг биринчи ўринбосари Ж.Ходжаевлар зиммасига юклатилсин.

Ўзбекистон Республикаси
Маданият ва туризм вазири



О. Назарбеков

Тошкент ш.,
2023 йил 16 март, 01-15-07 - сон

Ўзбекистон Республикаси
Ёшлар сиёсати ва спорт вазири



А. Икрамов

Тошкент ш.,
2023 йил 16 март, 04-К1/18 сон

Ёшлар ишлари агентлиги
директори



А. Саъдуллаев

Тошкент ш.,
2023 йил 16 март, 01-07/02 - сон

Ўзбекистон Республикаси маданият ва
туризм вазирлиги,
Ўзбекистон Республикаси ёшлар сиёсати
ва спорт вазирлиги, Ёшлар ишлари
агентлигининг 2023 йил
“16” март даги 01-15-07 04-к/к 01-07/02 -сонли
қарорига
1-илова

“Ёшлар овози” танловини ташкил этиш ва ўтказиш тўғрисидаги НИЗОМИ

I. Умумий қоидалар

1. «Ёшлар овози» танлови (кейинги ўринларда танлов деб аталади) Ўзбекистон Республикаси Ёшлар сиёсати ва спорт вазирлиги, Ўзбекистон Республикаси маданият ва туризм вазирлиги, Ёшлар ишлари агентлиги, Ўзбекистон ёшлар иттифоқи ва уларнинг ҳудудий тузилмалари томонидан Қорақалпоғистон Республикаси, вилоятлар ва Тошкент шаҳар ҳокимликлари билан ҳамкорликда ташкил этилади.

2. Танлов 10-15 ёш, 16-22 ёш, 23 -30 ёш тоифаларида ўтказилади.

3. Танлов қуйидаги **тўрт йўналиш**да ташкил этилади:

- бахшичилик
- анъанавий ижро (мақом, катта ашула, суворахонлик)
- опера;
- эстрада.

4. Иштирокчилар Низомда белгиланган шартлар асосида танловда иштирок этади.

II. Танловнинг мақсади ва вазифалари

5. Танловнинг асосий мақсади ва вазифалари – ёшларни миллий ва умуминсоний қадриятлар, миллий ғурур ва ифтихор, бағрикенглик, бунёдкорлик, меҳр-оқибат ғоялари руҳида тарбиялаш, бахшичилик ва анъанавий ижро, опера, эстрада йўналишларида ижод қилаётган ёш истеъдодларни кашф этиш, уларни қўллаб-қувватлаш, катта сахналарда ўз санъатини намоиш этиши учун кенг йўл очиб беришдан иборат.

III. Танловни ташкил этиш ва ўтказиш тартиби

6. Танлов қуйидаги беш босқичда ўтказилади:

Биринчи босқич. Саралаш босқичи барча маҳаллаларда ташкил этилади.

Иккинчи босқич. Сектор босқичи саралаш босқичларидан ўтган (10-15 ёш, 16-22 ёш, 23 -30 ёш тоифаларида 1 нафардан) ёшлар ўртасида кастинг асосида ташкил этилади.

Учинчи босқич. Маҳаллий босқич барча туман (шаҳар)ларда кастинг асосида саралаш.

Тўртинчи босқич. Худудий босқич маҳаллий босқич ғолиблари иштирокида.

Бешинчи босқич. Республика босқичи Қорақалпоғистон Республикасида ўтқазилади. Ҳар бир йўналиш бўйича худудлардан 1 та ёш тоифасида бир нафардан (**168 нафар**) худудий босқич ғолиблари иштирок этади.

7. Ҳакамлар ҳайъати 5 кишидан иборат бўлиб, уларнинг таркибига маданият ва санъат соҳасининг таниқли вакиллари, етакчи мутахассислар киради. Ёшлар ишлари агентлигидан 1 нафар, Маданият ва туризм вазирлигидан 4 нафар (1 нафар республикадан, 3 нафар худуддан).

IV. Танловда қатнашиш шартлари

8. Танлов иштирокчиси ушбу Низом талабига кўра қайд этилган йўналишлар асосида ўзи танлаган жанрда битта асарни ижро этади.

9. Танловда иштирок этиш учун онлайн ҳамда маҳалла босқичида ташкил этилаётган кастинг ўтаётган манзилда жонли рўйхатдан ўтишлари лозим бўлади.

10. Танлов иштирокчилари фақатгина битта йўналиш бўйича иштирок этиш ҳуқуқига эга.

11. Танловда кўшиқлар фақат жонли ижро этилади.

12. Республика босқичи ғолиблари (1-2-3-ўрин) танловнинг келгуси мавсумида ёшидан ҳамда йўналишидан қатъий назар иштирок этиши тақиқланади.

13. Мазкур Низом талаблари Танлов иштирокчиси томонидан бузилган тақдирда иштирокчи танловдан четлатилади.

V. Ташкилий кўмитанинг вазифалари

14. Ташкилий кўмита Танлов доирасида ўтқазиладиган барча концертлар сценарийси, дастури тайёрланишини таъминлайди ва тасдиқлайди.

15. Танлов ғолибларини тақдирлаш маросимини ташкил этади.

16. Танлов ғолибларига ўз ваколатлари доирасида амалий ёрдам кўрсатиш чораларини кўради.

VI. Танлов ғолибларини аниқлаш

17. Танлов ғолиблари Ҳакамлар ҳайъати томонидан 10 баллик тизимда, қуйидаги мезонлар асосида аниқланади:

- ижро маҳорати ва услуби – (3,5 балгача);
- овоз имкониятлари – (3,5 балгача);
- сахна маданияти (артистизм) – (1,5 балгача);
- сахна либоси (имидж) – (1,5 балгача).

18. Тавсия этилган кўшиқларнинг янгилиги, оригиналиги, матнининг таъсирчан ва бадиий образларга бойлиги, ижодкорнинг овози, сахна маданияти ва ижро услуби танловда қатнашиш ҳуқуқини таъминлашда асосий мезон ҳисобланади.

19. Тақдим этиладиган асарлар миллий анъаналаримиз ҳамда умумбашарий қадриятларга зид бўлмаслиги лозим.

20. Ҳакамлар томонидан берилган баллар танлов якунида умумлаштирилади. Энг юқори балл тўплаган иштирокчиларга барча йўналишлар бўйича 1-, 2- ва 3-ўринлар берилади.

21. Танлов йўналишлари бўйича 1-ўринни эгаллаган ғолиблар тегишли Ҳакамлар ҳайъати йиғилиши баёни асосида кейинги босқичда иштирок этиш ҳуқуқини қўлга киритади. Йўналишлар бўйича муносиб номзодлар топилмаган тақдирда, кейинги босқичга номзодлар тавсия этилмаслиги мумкин.

Агар энг юқори балл олган номзодлар бир нафардан ортиқ бўлган ҳолатда, тенг балли номзодлар ўртасида яна биттадан асар эшитиб баҳо берилади ҳамда биринчи иккинчи ўрин белгиланади.

22. Барча даражадаги (маҳалла-сектор-туман, шаҳар, ҳудудий, республика) ҳакамлар ҳайъати қарори қатъий бўлиб, ўзгартирилмайди, эътирозлар (апелляция) қабул қилинмайди ва қайта кўриб чиқилмайди.

23. Республика босқичида ҳар бир йўналиш бўйича ҳудудларда биринчи ўринни эгаллаган номзодлар иштирок этади.

Ғолибларга:

1-ўрин – 50 миллион сўм (тўрт йўналишда, жами 12 та);

2-ўрин – 30 миллион сўм (тўрт йўналишда, жами 12 та);

3-ўрин – 20 миллион сўм (тўрт йўналишда, жами 12 та);

Республика босқичида ҳар бир йўналиш бўйича ҳудудларда биринчи ўринни эгаллаган ғолибларга рағбатлантирувчи мукофот – 10 миллион сўмдан берилади (тўрт йўналишда, жами 36 та, 1-2-3-ўрин соҳиблари бундан мустасно).

VII. Якуний қоидалар

24. Танлов давомида юзага келган муаммолар тегишли ташкилий қўмита томонидан ҳал этилади.

25. Мазкур низомга Танловнинг Республика Ташкилий қўмитаси томонидан ўзгартириш ва қўшимчалар киритилиши мумкин.

Ўзбекистон Республикаси маданият ва
туризм вазирлиги,
Ўзбекистон Республикаси ёшлар сиёсати
ва спорт вазирлиги, Ёшлар ишлари
агентлигининг 2023 йил
“16” *март* дағиди-15-07 04-к/к 01-07/02 -сонли
қарорига
2-илова

**«Миллий ва замонавий чолғу ижрочилиги» республика кўрик-
танловини ташкил этиш ва ўтказиш тартиби тўғрисида
НИЗОМ**

I. Умумий қоидалар

1. Ушбу Низом «Миллий ва замонавий чолғу ижрочилиги» республика кўрик-танловини (кейинги ўринларда танлов деб аталади) ўтказиш тартибини белгилайди.

2. Мазкур танлов ёшлар халқимиз, хусусан, ёш авлодни миллий чолғу санъатига қизиқишларини ошириш бу орқали уларнинг қалби ва онгида миллий ўзликни англаш, аждодлар меросига ҳурмат туйғусини, юксак бадиий-эстетик дид ва тафаккурни камол топтириш ҳамда ёшлар ўртасида миллий ва замонавий чолғу ижрочилигини тарғиб қилишга йўналтирилган.

3. Ўзбекистон Республикаси Ёшлар сиёсати ва спорт вазирлиги, Ўзбекистон Республикаси Маданият ва туризм вазирлиги, Ёшлар ишлари агентлиги, Ўзбекистон Республикаси Мактабгача ва мактаб таълими вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари Танлов ташкилотчилари ҳисобланади.

4. Ўзбекистон Республикасида истиқомат қилаётган миллати, дини, ижтимоий келиб чиқиши ва тилидан қатъий назар 10 ёшдан 30 ёшгача бўлган ёшлар танловда иштирок этадилар.

5. Ташкилий қўмита танлов низомига ўзгартириш ва қўшимчалар киритиш ваколатига эга.

II. Танловнинг мақсади ва вазифалари

6. Танловнинг мақсади қуйидагилардан иборат:

- чолғу ижрочилигида ижрочилик санъатини янада юксалтириш, ҳаваскор ижрочиларни кашф этиш;

- чолғу ижрочиларининг маҳорати, истеъдоди ва қобилиятини намоён этиш, уларнинг ижрочилик кўникмаларини янада ривожлантириш;

- чолғу ижрочилигини юксак даражага кўтариш, миллий санъатимизни дунё сахналарига олиб чиқиш, ҳаваскор ёшларни рағбатлантириш ҳамда уларнинг ижодини кенг тарғиб қилиш;

- ҳаваскор ижрочиларнинг ижро имкониятларини ошириш ва уларнинг ўзига хос хусусиятлари билан оммани таништириш.

III. Танловни ўтказиш босқичлари, муддатлари, ёши ва йўналишлари

7. Танловда Ўзбекистон Республикасидаги Маданият вазирлиги тасарруфидаги маданият марказлари тўғарак раҳбарлари, ҳаваскор жамоаларнинг созандалари ҳамда ҳаваскор ижрочилар иштирок этиши мумкин.

8. Танлов **5 босқичда** ўтказилади.

Биринчи босқич: (маҳалла босқичи бўлиб, мазкур босқичда доимий ва вақтинча рўйхатдан ўтган ёшлар иштирок этишлари мумкин)

Иккинчи босқич: (сектор босқичи)

Учинчи босқич: (туман ва шаҳар босқичи) мусиқа ва санъат мактабларида (мусиқа ва санъат мактаби бўлмаган туман (шаҳар)лар учун энг яқин жойлашган туман (шаҳар) мусиқа ва санъат мактабида) ўтказилади.

Танлов йўналишлари иштирокчиларининг сонига қараб, уни тартибли ва мазмунли ташкил этиш мақсадида йўналишлар бўйича ҳар хил вақтда ташкил этилиши мумкин.

Ўтказиш режаси ҳар йили аризалар қабул қилингандан сўнг Республика ташкилий қўмитаси томонидан белгиланади ва эълон қилинади.

Тўртинчи босқич: (худудий босқичи) Қорақалпоғистон Республикаси, вилоятлар ва Тошкент шаҳрида ўтказилади. Ўтказиш режаси ҳар йили худудий ташкилий қўмита томонидан Республика ташкилий қўмитаси билан келишилган ҳолда белгиланади ва эълон қилинади.

Бешинчи босқич: республика босқичи ўтказиш саналари Республика ташкилий қўмита томонидан белгиланади ва камида 10 кун олдин эълон қилинади.

9. Танлов **3 ёш тоифасида** ўтказилади:

1-тоифа 10-15 ёш;

2-тоифа 16-22 ёш;

3-тоифа 23-30 ёшгача.

10. Танлов қуйидаги 2 та йўналиш (6 та номинация) бўйича ўтказилади:

Миллий чолғулар

рубоб;

доира;

датор.

Замонавий чолғулар

фортепиано;

гитара;

урма зарбли.

IV. Танловни ўтказиш шартлари

11. Иштирокчиларнинг танлов давомидаги тегишли йўналишлар бўйича ижро этиш навбати ташкилий қўмита томонидан белгиланади ва ушбу тартиб танлов якунига қадар сақлаб қолинади.

12. Асарлар ёддан жонли тарзда ижро этилади.

13. Танловнинг йўналишлари иштирокчилари учун ижро вақти куйидагича белгиланади:

1-тоифа: 10-15 ёш учун 5 дақиқагача;

2-тоифа: 16-22 ёш учун 5 дақиқагача;

3-тоифа: 23-30 ёш учун 5 дақиқагача.

Иштирокчилар белгиланган вақтдан ўтиб кетган тақдирда ҳакамлар ҳайъати аъзолари ижрони тўхтатиб қўйишлари мумкин.

14. Танловда иштирок этиш истагида бўлган ёшлар **доимий ёки вақтинчалик** яшаш жойи бўйича рўйхатдан ўтади. Бошқа маҳалла номидан ушбу танловда иштирок этишлари қатъиян таъқиқланади.

15. Танлов доирасида маҳаллаларда истиқомат этувчи ёшлар танловнинг қуйи босқичларида (маҳалла, сектор, туман (шаҳар) босқичи ва ҳудудий босқич)ларда ғолиб ва совриндорлар республика финал босқичларида иштирок этишига рухсат берилади.

Бунда, ушбу талабларга риоя қилмаган қуйи босқичларда иштирок этмаган иштирокчилар республика босқичида иштирок этишига йўл қўйилмайди.

16. Республика босқичи ғолиблари (1-2-3-ўрин) танловнинг келгуси мавсумида ёшидан ҳамда йўналишидан қатъий назар иштирок этиши тақиқланади.

17. Барча йўналишлар бўйича иштирокчиларнинг ижодий чиқишлари томошабинлар ва тингловчилар томонидан кузатилишига рухсат этилади (худудий ҳамда республика босқичи бундан мустасно).

V. Танлов иштирокчиларини баҳолаш ва ғолибларни тақдирлаш

17. Танловнинг барча босқичларини ташкил этиш ва ўтказиш учун ташкилий қўмита ва 3-5 нафар етакчи мутахассислардан иборат ҳакамлар ҳайъати томонидан шакллантирилади.

19. Танловнинг барча босқичлари учун ҳар бир йўналишда уч нафардан кам бўлмаган соҳанинг малакали мутахассисларидан иборат ҳакамлар ҳайъати шакллантирилади. Ҳакамлар ҳайъати таркиби мусиқа ва санъат таълим муассасаларининг малакали мутахассислари, чолғу ижрочилиги мутахассислари, орасидан шакллантирилади.

20. Танловнинг барча босқичларида иштирокчиларнинг ижро маҳорати ҳакамлар ҳайъатининг ҳар бир аъзоси томонидан алоҳида тарзда 25 баллик тизим бўйича (баҳолаш мезони илова қилинади) баҳоланади.

21. Қорақалпоғистон Республикаси, Тошкент шаҳри ва вилоятлардаги ташкилий кўмиталар томонидан Танловнинг 1-босқичларидаги ҳакамлар ҳайъати ишига раислик қилиш учун ҳар бир туман (шаҳар)га ҳудудий ҳакамлар ҳайъатининг бир нафар аъзоси бириктирилади ва ҳакамлар ҳайъатига ҳудудий ҳакамлар ҳайъати таркибидан бириктирилган вакил раислик қилади.

22. Ҳакамлар ҳайъати томонидан иштирокчиларга қўйилган баллар тенг бўлиб қолганда, ҳакамлар ҳайъати раисининг овози ҳал қилувчи ҳисобланади.

23. Танловнинг туман (шаҳар) босқичидан ҳудудий босқичга ҳар бир йўналишдан уч нафардан (ҳар бир ёш тоифаси ҳамда йўналишидан 1-ўринни эгаллаган) иштирокчилар (***ҳудуддан йўналишлар бўйича 3 ёш тоифасидан 6 номинация бўйича 18 нафар, 14 та ҳудуддан жами 252 нафар***) ғолиб бўлган ёшлар республика босқичига йўлланмани қўлга киритади.

24. Танловнинг якуний натижалари ҳакамлар ҳайъатининг қарори билан расмийлаштирилади.

25. Барча даражадаги (маҳалла-сектор-туман, шаҳар, ҳудудий, республика) ҳакамлар ҳайъати қарори қатъий бўлиб, ўзгартирилмайди, эътирозлар (*апелляция*) қабул қилинмайди ва қайта кўриб чиқилмайди.

26. Танловда ғолиб ва совриндор бўлган чолғу ижрочиларига Ташкилий кўмитанинг қарори билан пул мукофотлари берилиши ҳам мумкин.

27. Танловнинг ҳар бир босқичида йўналишлар бўйича энг яхши натижаларга эришган иштирокчилар ташкилотчилар, маҳаллий, ҳудудий ҳокимликлар ва ҳомийлар томонидан тайёрланган сертификат, диплом ва эсдалик совғалар билан рағбатлантирилади.

VI. Танловга тақдим этиладиган ҳужжатлар

28. Танловда иштирок этиш истагини билдирган ёшларнинг ҳужжатлари маҳалла ёшлар етакчисига топширилади (оффлайн) ёки онлайн бот орқали рўйхатдан ўтилади (ижтимоий тармоқларда бот эълон қилинади)

29. Танлов иштирокчилари томонидан қуйидаги ҳужжатлар тақдим этилади онлайн бот орқали ҳамда оффлайн:

- ариза-анкета;
- шахсини тасдиқловчи ҳужжат (туғилганлиги ҳақида гувоҳнома) нинг нусхаси;

VII. Якуний қондалар

30. Танловни ўтказиш жараёнлари бўйича келиб чиқадиган низолар қонун ҳужжатларида белгиланган тартибда ҳал этилади.

31. Танловни ўтказиш билан боғлиқ сарф-харажатлар қуйидаги манбалар ҳисобидан молиялаштирилади:

Ўзбекистон Республикаси Ёшлар сиёсати ва спорт вазирлиги, Ёшлар ишлари агентлиги маблағлари;

масъул ижрочиларнинг бюджет ва бюджетдан ташқари маблағлари;

жисмоний ва юридик шахсларнинг ҳомийлик хайриялари;

«Ёшлар жамғармаси» ҳисобидан (махалла-сектор-туман/шаҳар, худудий) ғолиблар эсдалик совғалари билан рағбатлантирилади;

қонун ҳужжатларида тақиқланмаган бошқа манбалар.

Ўзбекистон Республикаси маданият ва
туризм вазирлиги,
Ўзбекистон Республикаси ёшлар сиёсати
ва спорт вазирлиги, Ёшлар ишлари
агентлигининг 2023 йил
“16” март даги 01-15-07 04-қ/к 01-07/02 -сонли
қарорига
3-илова

“Ёшлар рақс” фестивалини ўтказиш тартиби тўғрисида НИЗОМ

I. Умумий қондалар

1. Мазкур Низом ёшлар ўртасида “Ёшлар рақс” фестивалини (кейинги ўринларда – фестиваль деб юритилади) ўтказиш тартибини белгилайди.

2. Ушбу фестиваль ёшлар халқимиз, хусусан, ёш авлодни миллий рақс санъати ҳақидаги назарий ва амалий билимлар билан кенг таништириш орқали уларнинг қалби ва онгида миллий ўзликни англаш, аждодлар меросига хурмат туйғусини, юксак бадиий-эстетик дид ва тафаккурни камол топтириш ҳамда ёшлар ўртасида миллий ва замонавий маданиятни тарғиб қилишга йўналтирилган.

3. Ўзбекистон Республикаси Ёшлар сиёсати ва спорт вазирлиги, Ўзбекистон Республикаси Маданият ва туризм вазирлиги, Ёшлар ишлари агентлиги, Ўзбекистон Республикаси Мактабгача ва мактаб таълими вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари Танлов ташкилотчилари ҳисобланади.

4. Ўзбекистон Республикасида истиқомат қилаётган миллати, дини, ижтимоий келиб чиқиши ва тилидан қатъий назар 10 ёшдан 25 ёшгача бўлган ёшлар фестивалда иштирок этадилар.

5. Ташкилий қўмита фестивал низомига ўзгартириш ва қўшимчалар киритиш ваколатига эга.

II. Фестивалнинг мақсади ва вазифалари

6. Фестивалнинг асосий мақсад ва вазифалари қуйидагича:

- ёш авлодни зарарли ташқи мафкуравий таъсирлардан асраш, уларни миллий кадриятлар ва ватанпарварлик руҳида тарбиялаш;

- иқтидорли ёшларни аниқлаш, уларнинг истеъдодларини намоён қилишларига имконият яратиш ва қўллаб-қувватлаш;

- ёш авлоднинг маданий савиясини юксалтириш, уларнинг маънавий оламини бойитиш, саънат ва гўзалликка интилишини кучайтириш;

- иқтидорли ёшларнинг ижоди ҳамда ташаббусларини кенг оммага айниқса, ёшлар орасида тарғиб этиш, ҳаваскор ва профессионал жамоаларнинг ижодий фаолиятини рағбатлантириш.

III. Фестивални ўтказиш босқичлари, муддатлари, ёши ва йўналишлари

7. Фестиваль **5 босқичда** ўтказилади.

Биринчи босқич: (маҳалла босқичи бўлиб, мазкур босқичда доимий ва вақтинча рўйхатдан ўтган ёшлар иштирок этишлари мумкин)

Иккинчи босқич: (сектор босқичи)

Учинчи босқич: (туман ва шаҳар босқичи) мусиқа ва санъат мактабларида (мусиқа ва санъат мактаби бўлмаган туман (шаҳар)лар учун энг яқин жойлашган туман (шаҳар) мусиқа ва санъат мактабида) ўтказилади.

Фестиваль йўналишлари иштирокчиларининг сонига қараб, уни тартибли ва мазмунли ташкил этиш мақсадида йўналишлар бўйича ҳар хил вақтда ташкил этилиши мумкин.

Ўтказиш режаси ҳар йили аризалар қабул қилингандан сўнг республика ташкилий қўмитаси томонидан белгиланади ва эълон қилинади.

Тўртинчи босқич: (худудий босқичи) Қорақалпоғистон Республикаси, вилоятлар ва Тошкент шаҳрида ўтказилади. Ўтказиш режаси ҳар йили худудий ташкилий қўмита томонидан Республика ташкилий қўмитаси билан келишилган ҳолда белгиланади ва эълон қилинади.

Бешинчи босқич: республика босқичини ўтказиш саналари Республика ташкилий қўмита томонидан белгиланади ва камида 10 кун олдин эълон қилинади.

8. Фестиваль **3 ёш тоифасида** ўтказилади:

1-тоифа 10-15 ёш;

2-тоифа 16-22 ёш;

3-тоифа 23-30 ёшгача.

9. Фестиваль куйидаги **2 йўналиш** бўйича ўтказилади:

Миллий рақс

- яккахон рақс;

- жамоавий рақс (3- нафаргача)

Замонавий рақслар:

- яккахон рақс;

- жамоавий рақс (3- нафаргача)

IV. Фестиваль шартлари

10. Фестивалда 10 ёшдан 30 ёшгача бўлган якка ижрочи ҳамда жамоалар иштирок этади.

11. Фестивальнинг йўналишлари иштирокчилари учун ижро вақти куйидагича белгиланади:

1-тоифа: 10-15- ёш учун 5 дақиқাগача;

2-тоифа: 16-22 ёш учун 5 дақиқাগача;

3-тоифа: 23-30 ёш учун 5 дақиқাগача.

Иштирокчилар белгиланган вақтдан ўтиб кетган тақдирда ҳакамлар ҳайъати аъзолари ижрони тўхтатиб қўйишлари мумкин.

12. Фестиваль доирасида маҳаллаларда истиқомат этувчи ёшлардан таркиб топган маҳалла жамоалари мазкур фестивалнинг қуйи босқичларида (маҳалла, сектор, туман (шаҳар) босқичи ва ҳудудий босқич)ларда ғолиб ва совриндорлар республика финал босқичларида иштирок этишига рухсат берилади.

Бунда, ушбу талабларга риоя қилмаган қуйи босқичларда иштирок этмаган яққа ҳамда жамоавий иштирокчилар республика босқичида иштирок этишига йўл қўйилмайди.

13. Ғолиблар (1-2-3-ўрин) фестивалнинг келгуси мавсумида ёшидан ҳамда йўналишидан қатъий назар иштирок этиши тақиқланади.

14. Барча йўналишлар бўйича иштирокчиларнинг ижодий чиқишлари томошабинлар ва тингловчилар томонидан кузатилишига рухсат этилади (ҳудудий ҳамда республика босқичи бундан мустасно).

V. Фестивални ташкил этиш ва ўтказиш тартиби

15. Фестивалнинг барча босқичларини ташкил этиш ва ўтказиш учун ташкилий қўмита ва ҳакамлар ҳайъати томонидан шакллантирилади.

Фестивалнинг барча босқичлари учун ҳар бир йўналишда уч нафардан кам бўлмаган соҳанинг малакали мутахассисларидан иборат ҳакамлар ҳайъати шакллантирилади. Ҳакамлар ҳайъати таркиби мусиқа ва санъат мактабларининг малакали мутахассислари, хореограф (балетмейстер), орасидан шакллантирилади.

16. Ташкилий қўмита ва ҳакамлар ҳайъати таркиби ҳудудий ташкилий қўмита томонидан тасдиқланади.

17. Қорақалпоғистон Республикаси, Тошкент шаҳри ва вилоятлардаги ташкилий қўмиталар томонидан фестивалнинг 1-босқичларидаги ҳакамлар ҳайъати ишига раислик қилиш учун ҳар бир туман (шаҳар)га ҳудудий ҳакамлар ҳайъатининг бир нафар аъзоси бириктирилади ва ҳакамлар ҳайъатига ҳудудий ҳакамлар ҳайъати таркибидан бириктирилган вакил раислик қилади.

18 Фестивалнинг туман (шаҳар) босқичидан ҳудудий босқичга ҳар бир йўналишдан уч нафардан (ҳар бир ёш тоифаси ҳамда йўналишидан 1-ўринни эгаллаган) иштирокчилар **(ҳар бир ҳудуддан яққохон 6 нафар жамоавий 18 нафаргача жами 24 нафар 14 та ҳудуддан жами 336 нафар)** ёшлар йўлланма оладилар.

19. Ҳакамлар ҳайъати аъзолари бир вақтда тегишли ташкилий қўмита аъзоси бўлишлари ҳам мумкин.

20. Барча даражадаги (маҳалла-сектор-туман, шаҳар, ҳудудий, Республика) ҳакамлар ҳайъати қарори қатъий бўлиб, ўзгартирилмайди, эътирозлар (*апелляция*) қабул қилинмайди ва қайта кўриб чиқилмайди.

21. Фестивалда иштирок этиш истагида бўлган ёшлар **доимий ёки вақтинчалик** яшаш жойи бўйича рўйхатдан ўтади. Бошқа маҳалла номидан ушбу фестивалда иштирок этишлари қатъиян таъқиқланади.

VI. Фестивалга тақдим этиладиган ҳужжатлар

22. Фестивалда иштирок этиш истагини билдирган ёшларнинг ҳужжатлари маҳалла ёшлар етакчисига топширилади (оффлайн) ёки онлайн бот орқали рўйхатдан ўтилади (ижтимоий тармоқларда бот эълон қилинади)

Фестиваль иштирокчилари томонидан қуйидаги ҳужжатлар тақдим этилади оффлайн:

- ариза-анкета;
- шахсини тасдиқловчи ҳужжат (туғилганлиги ҳақида гувоҳнома) нинг нусхаси;

23. Миллий рақс ва Хореография олий мактаби ўқувчилари ҳужжатлари фестивалда иштирок этиш учун қабул қилинмайди.

VII. Фестиваль ғолибларини аниқлаш тақдирлаш

24. Фестиваль ғолиблари Ҳакамлар ҳайъати томонидан **25 баллик** тизимда, қуйидаги мезонлар асосида баҳоланади:

- иштирокчилар профессионал тайёргарлик, бадиий ижрочилик маҳорати, репертуар савияси каби мезонларга жавоб бериши;
- актёрлик маҳорати;
- рақс сюжети;
- ижро вақти 5 дақиқадан ошмаслиги;
- иштирокчилар сахна ва кийиниш маданияти талабларига жавоб бериши лозим.

25. Ҳакамлар ҳайъати томонидан қўйилган баллар фестивал якунида умумлаштирилади. Энг юқори балл тўплаган иштирокчиларга барча йўналишлар бўйича 1-2-3-ўрин берилади (***яккагон 18 нафар, жамоавий 54 нафар***).

26. Фестивалда ғолиб ва совриндор бўлган чолғу ижрочиларига Ташкилий қўмитанинг қарори билан пул мукофотлари берилиши ҳам мумкин.

26. Фестивалнинг ҳар бир босқичида йўналишлар бўйича энг яхши натижаларга эришган иштирокчилар ташкилотчилар, маҳаллий, ҳудудий ҳокимликлар ва ҳомийлар томонидан тайёрланган сертификат, диплом ва эсдалик совғалар билан рағбатлантирилади.

VIII. Якуний қоидлар

27. Фестивални ўтказиш жараёнлари бўйича келиб чиқадиган низолар қонун ҳужжатларида белгиланган тартибда ҳал этилади.

28. Фестивални ўтказиш билан боғлиқ сарф-харажатлар қуйидаги манбалар ҳисобидан молиялаштирилади:

Ўзбекистон Республикаси Ёшлар сиёсати ва спорт вазирлиги, Ёшлар ишлари агентлиги маблағлари;

- масъул ижрочиларнинг бюджет ва бюджетдан ташқари маблағлари;
 - жисмоний ва юридик шахсларнинг ҳомийлик хайриялари;
 - «Ёшлар жамғармаси» ҳисобидан (маҳалла-сектор-туман/шаҳар, ҳудудий) ғолиблар эсдалик совғалари билан рағбатланритилади;
- қонун ҳужжатларида тақиқланмаган бошқа манбалар.

Ўзбекистон Республикаси маданият ва
туризм вазирлиги,
Ўзбекистон Республикаси ёшлар сиёсати
ва спорт вазирлиги, Ёшлар ишлари
агентлигининг 2023 йил
“16” март даги 10-15-07 04-4/8 0107/02-сонли
қарорига 4-илова

**Беш ташаббус олимпиадаси доирасида маданият ва санъат
йўналишидаги танлов ва фестивалларни юқори савияда
ташқил этиш ва ўтказиш бўйича
Ташкилий қўмита
ТАРКИБИ**

№	Исми, фамилияси ва отасининг исми	Лавозими
1.	Назарбеков Озодбек Ахмадович	Ўзбекистон Республикаси маданият ва туризм вазири, <i>Ташкилий қўмита раиси</i>
2.	Икрамов Атҳам Илхамович	Ўзбекистон Республикаси ёшлар сиёсати ва спорт вазири, <i>Ташкилий қўмита раиси ўринбосари</i>
3.	Саъдуллаев Алишер Зафар ўғли	Ёшлар ишлари агентлиги директори, <i>Ташкилий қўмита раиси ўринбосари</i>
4.	Ахмедов Баходир Мажидович	Ўзбекистон Республикаси маданият ва туризм вазири ўринбосари, <i>Ташкилий қўмита раиси ўринбосари</i>
5.	Ходжаев Жамшид Бахтиёрович	Ёшлар ишлари агентлиги директорининг биринчи ўринбосари, <i>Ташкилий қўмита раиси ўринбосари</i>
6.	Юнусов Фаррух Исмоилжонович	Ўзбекистон Республикаси маданият ва туризм вазирлиги Селекция ва истеъдодли ёшларни қўллаб-қувватлаш бўлими бошлиғи, <i>аъзо</i>
7.	Мўминов Абдулазиз Мажидович	Ўзбекистон Республикаси ёшлар сиёсати ва спорт вазирлиги Ёшларни ватанпарварлик руҳида тарбиялаш ва уларнинг бўш вақтини мазмунли ташқил этиш бўлими бошлиғи, <i>аъзо</i>
8.	Олимов Шерзод Муродуллаевич	Ёшлар ишлари агентлиги Беш ташаббус лойиҳаларини мувофиқлаштириш бўлими бошлиғи, <i>аъзо</i>
9.	Содиқов Нодир Ғайбулла ўғли	Ўзбекистон Республикаси маданият ва туризм вазирлиги Селекция ва истеъдодли ёшларни қўллаб-қувватлаш бўлими бош мутахассиси, <i>аъзо</i>
10.	Эргашев Шохбек Музаффаржон ўғли	Ёшлар ишлари агентлиги Беш ташаббус лойиҳаларини мувофиқлаштириш бўлими бош мутахассиси, <i>котиб</i>

Ўзбекистон Республикаси маданият ва
туризм вазирлиги,
Ўзбекистон Республикаси ёшлар сиёсати
ва спорт вазирлиги, Ёшлар ишлари
агентлигининг 2023 йил
“16” март даги ~~10-15-07~~ ~~04-06~~ ~~01-07/02~~-сонли
қарорига 5-илова

**Беш ташаббус олимпиадаси доирасида маданият ва санъат йўналишидаги
танлов ва фестивалларнинг
КАЛЬЕНДАР РЕЖАСИ**

Маҳаллаларда истиқомат қилувчи ёшлар ўртасидаги танлов ва мусобақалар						
Т/р	Лойиҳа номи	1-босқич маҳалла	2-босқич сектор	3-босқич туман	4-босқич ҳудудий	5-босқич республика
1.	“Ёшлар овози” танлови	5-10 апрель	15-20 апрель	25-30 апрель	1-5 май	10-20 май
2.	“Ёшлар ракс фестивали”	3 - 8 апрель	17 - 21 апрель	10 - 18 май	25 май - 9 июнь	14 - 18 июнь
3.	“Миллий ва Замонавий чолғу ижрочилиги” танлови	4-8- сентябрь	18-23 сентябрь	2-8 октябрь	23-30 октябрь	13-17 ноябрь

Изоҳ: Ушбу календарь режада белгиланган муддатларга ташкилотчилар томонидан ўзгартириш киритилиши мумкин.